


Un anochi di inspiracion cu Jermin Bell



Diabierna anochi, 2 di augustus, e autor Arubiano Jermin Bell a lansa su prome buki titula "Nameless" na Biblioteca Nacional. E evento a inicia cu un introduccion cu a keda den man di e artista Rosabelle Illes. Den su discurso, Rosabelle Illes a comparti algun anecdota di Jermin sigui pa detayes biografico.

Despues di e introduccion, Jermin Bell a recita algun di su scrituranan compaña pa arte visual den forma di imagen, musica y baile. Su escritura "Sorry to the heart I never should have broken" a wordo transforma den un coreografia di baile crea pa Art Srisayam, un graduado di De Theater School Amsterdamse Hogeschool voor de kunsten.

Su escritura "Unlimited" a keda presenta conhuntamente cu un video y presentacion bibo crea pa artista visual y graduado di Gerrit Rietveld Academie, Robin de Vogel. Durante su presentacion, Jermin a splica e ideanan tras di escrituranan y e mision di e buki "Nameless". Colectivamente, e buki tin como meta pa inspira cada ser humano pa conecta cu

nan curason y biba un bida feliz. E temanan cu a wordo toca e anochi aki ta inclui entre otro, bida y morto, relacionnan romantico, e poder di e individuo y creencianan.

Tambe Jermin a haci uso di un 'inspirational vision board', caminda cu e publico por a tap na nan curason y produci meta y inspiracionnan cu nan tin warda den nan curason.

"Nameless" a wordo batista dor di e autor su sobrino Jayquon Bell di 2 aña. Jayquon a hinca e buki den un vaas yena cu awa y pedalnan di rosa cora. E forma di batista e buki aki tabata uno simbolico, como cu Jermin su defunto mama tabata encanta rosanan cora y Jermin a dedica e buki na su defunto mama y su sobrino Jayquon.

Prome cu e parti oficial a ser clausura, e autor a entrega "Nameless" na Directora di Bib-

lioteca sra. Astrid Britten y nos Tata di Cultura sr. Padu Lampe. Na final di e anochi tur presente tabatin e oportunidad di busca nan copia di "Nameless" y ricibi e firma di e autor.

E produccion aki a keda realisa pa Prins Bernhard Cultuurfonds Caribisch Gebied. Actualmente, "Nameless" ta obtenibel na tur libreria local, riba amazon.com of por yama 661-4062 / 593-0980 pa entrega. Despues di su bishita na Aruba, Jermin lo regresa Hulanda unda cu e ta finalizando su estudio den psicologia practico na Hogeschool van Amsterdam. Pa mas informacion tocante Nameless y Jermin Bell

por tuma contacto cu e autor mes na 661-4062, jerminbell@gmail.com, riba facebook, twitter y na Hulanda +31 611331283.